



*Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko Vijeće*

Lukavac, 07.03.2011. godine

SLUŽBENI GLASNIK OPĆINE LUKAVAC

S A D R Ž A J 2/11

Akti Općinskog vijeća

1. Odluka o obavljanju javnog prevoza putnika na području općine Lukavac
2. Odluka o finansiranju parlamentarnih grupa u Općinskom vijeću Lukavac
3. Saglasnosti na prijedlog situacije mikrolokacije na kojoj se planira gradnja benzinske stanice, autosalona, servisa i prodavnice autodijelova i nove saobraćajnice broj: 02-23-2- 29/11 i broj: 02-23-2-34/11 od 14.01.2011.godine
4. Saglasnosti na prijedlog situacije mikrolokacije na kojoj je izgrađen objekat „Tenis hale“, sa planiranom promjenom namjene u „Proizvodnu halu“ i dogradnjom hale broj:05-23-2-2270/10 od 24.01.2011.godine
5. Saglasnosti na prijedlog situacije mikrolokacije na kojoj je izgrađen stari objekat „Obdaništa“, sa planiranom izgradnjom novog objekta „Obdaništa“ broj: 05-23-2-31/11 od 31.01.2011.godine
6. Saglasnosti na prijedlog situacije mikrolokacije na kojoj se planira gradnja „Kombinovanog skladišnog terminala: ukapljeni naftni plin-tekući naftni derivati“ broj:05-23-2-2182/10 od 07.02.2011.godine
7. Saglasnosti na prijedlog situacije mikrolokacije na kojoj se planira rušenje postojećeg objekta benzinska stanice „Energopetrol“ d.d. Sarajevo „Lukavac II“ i gradnja novog zamjenskog objekta benzinske stanice „Lukavac II“ sa pratećim sadržajima broj: 05-23-2-31/11 od 07.02.2011.godine
8. Rješenja kojim se odbija zahtjev Jozić Ivana iz Bistarca Gornjeg za dodjelu neposrednom pogodbom neizgrađenog gradskog građevinskog zemljišta broj:02-31-3-729/10 od 07.02.2011.godine
9. Rješenje o razrješenju i imenovanju člana Komisije za pitanja mladih, obrazovanje, kulturu i sport
10. Rješenje o imenovanju predsjednika Upravnog odbora JU za odgoj i obrazovanje djece predškolskog uzrasta
11. Rješenje o razrješenju člana Komisije za davanje stručne ocjene o gradnji
12. Zaključak o davanju saglasnosti Komisiji za procjenu vrijednosti nepokretnosti i prava da do izmjene zakonskih propisa vrši procjenu vrijednosti nepokretnosti u postupku promjene namjene poljoprivrednog zemljišta



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko Vijeće

Broj : 01-02-1-196/11.

Lukavac, 28.02.2011. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06.), člana 4. stav 2. Zakona o komunalnim djelatnostima („Službene novine TK“, broj 11/05. i 7/07.) i člana 32. Statuta općine Lukavac – prečišćeni tekst („Službeni glasnik općine Lukavac“, broj 5/08.), Općinsko Vijeće Lukavac na 30. redovnoj sjednici održanoj dana 28.02.2011. godine, donijelo je

**ODLUKU
O OBAVLJANJU JAVNOG PREVOZA PUTNIKA
NA PODRUČJU OPĆINE LUKAVAC**

I. OPĆE ODREDBE

Član 1.

(Predmet Odluke)

Ovom Odlukom uređuje se organizacija i uslovi obavljanja prevoza putnika u javnom prevozu, način povjeravanja vršenja poslova javnog prevoza putnika, vrste javnog prevoza putnika, dužnosti i obaveze prevoznika, prava i dužnosti putnika u javnom prevozu, nadzor nad provođenjem odredaba ove Odluke, kao i kazne za prekršioce odredaba ove Odluke.

Član 2.

(Značenje pojmova koji se koriste u Odluci)

(1) Pod pojmom javnog prevoza putnika, podrazumijeva se prevoz putnika u javnim prevoznim sredstvima na linijama unutar zona, koje utvrđuju općine za čija područja se javni prevoz putnika odvija.

(2) Linija javnog prevoza putnika je relacija ili skup relacija odvijanja prevoza od početnog do završnog stajališta.

(3) Javni linijski prevoz putnika je prevoz, koji se vrši na određenim linijama po unaprijed utvrđenoj skici puta, redu vožnje, utvrđenoj i objavljenoj cijeni i drugim uslovima prevoza.

(4) Javni vanlinijski prevoz putnika je prevoz, kod kojeg se relacija, cijena i drugi uslovi prevoza utvrđuju posebno za svaki prevoz.

(5) Prevoznik je pravno lice upisano u sudski registar za vršenje javnog prevoza putnika, koje ispunjava uslove definisane u Zakonu o cestovnom prevozu FBiH („Službene novine FBiH“; broj 28/06.), kao i svako fizičko lice, koje ima rješenje za obavljanje djelatnosti javnog prevoza putnika.

(6) Red vožnje je akt kojim se utvrđuju elementi za vršenje javnog linijskog prevoza putnika u cestovnom prevozu.

(7) Stajalište je mjesto na liniji predviđeno u redu vožnje za ulazak i izlazak putnika.

(8) Cjenovnik je dokument izdat od strane prevoznika, kojim su utvrđene cijene za pojedine usluge javnog prevoza putnika.

(9) Putnik je svako lice koja se prevozi, osim vozača i članova posade vozila.

(10) Karta za prevoz je dokument izdat od strane prevoznika, kojim se potvrđuje da je korisnik prevoza platio uslugu javnog prevoza i time stekao pravo na korištenje javnog prevoza.

(11) Član posade vozila je vozač i druga osoba, koja se nalazi u vozilu u cilju obavljanja poslova vezanih za prevozni proces.

(12) Vozilo je motorno vozilo, kojim se vrši javni prevoz putnika.

(13) Vozač je osoba kvalifikovana za upravljanje vozilom.

Član 3.

(Povjeravanje obavljanja poslova javnog prevoza putnika)

Javni prevoz putnika na području općine Lukavac povjeren je pravnom ili fizičkom licu registrovanom za obavljanje djelatnosti javnog cestovnog prevoza putnika (u daljnjem tekstu : prevoznik) shodno Odluci o komunalnim djelatnostima („Službeni glasnik općine Lukavac“, broj 2/07., 4/09. i 6/10.), te posebnim propisima, koji regulišu način obavljanja komunalnih djelatnosti.

Član 4.

(Obavljanje javnog prevoza)

(1) Javni prevoz putnika obavlja se autobusima ili minibusima i automobilima (u daljnjem tekstu : vozila) po unaprijed utvrđenim linijama, redu vožnje, tarifi kao i ostalim uslovima javnog prevoza putnika.

(2) Vozila kojima se obavlja javni prevoz putnika moraju ispunjavati uslove utvrđene propisima o prevozu u cestovnom prometu, ovom Odlukom, te drugim odlukama nadležnih tijela.

Član 5.

(Cijena javnog prevoza putnika)

(1) Cijena javnog prevoza putnika utvrđuje se tarifom.

(2) Prevoznik koji obavlja javni prevoz putnika donosi akt, kojim utvrđuje tarifu prevoznih usluga.

(3) Cijena javnog prevoza putnika utvrđuje se za svaku liniju posebno sa cijenama između stanica i stajališta.

(4) Prevoznik je obavezan utvrditi i cijenu dodatne karte prevoza putnika.

(5) Cijenu javnog prevoza prevoznik je dužan objaviti na način dostupan putnicima.

II. JAVNI PREVOZ PUTNIKA

Član 6.

(Uslov za javni prevoz putnika)

Javni prevoz putnika može se vršiti uz uslov da je na vozilu obavljen preventivni tehnički pregled, da je utvrđena ispravnost vozila, da je prevoznik registrovan za obavljanje ove vrste djelatnosti, da je vozilo uredno, obojeno u prepoznatljivu boju prevoznika, te prije upućivanja u dnevni saobraćaj očišćeno i prozračeno.

Član 7.

(Vrste javnog prevoza putnika)

Postoje slijedeće vrste javnog prevoza putnika :

- a) javni linijski prevoz putnika i
- b) javni vanlinijski prevoz putnika.

ODJELJAK A. JAVNI LINIJSKI PREVOZ PUTNIKA

Član 8.

(Javni linijski prevoz putnika)

Javni linijski prevoz putnika vrši se po utvrđenim općinskim linijama na osnovu i u skladu sa registrovanim redom vožnje.

Član 9.

(Red vožnje)

(1) Redovi vožnje registruju se nakon usklađivanja sa rokom važenja od tri godine i važe do utvrđivanja novog registra redova vožnje.

(2) Usklađivanje redova vožnje vrši nadležni organ uprave u skladu sa odredbama Pravilnika o kriterijima, postupku i načinu usklađivanja, registracije i ovjere redova vožnje, te sadržaju i načinu vođenja registra („Službene novine FBiH“, broj 79/06.).

(3) Nadležni općinski organ uprave nakon provedene procedure usklađivanja redova vožnje, vrši upis podataka u Registar redova vožnje.

Član 10.

(Sadržaj reda vožnje)

Red vožnje između ostalog sadrži :

- a) naziv prevoznika*
- b) relaciju na kojoj se vrši prevoz putnika,*
- c) vrstu linije,*
- d) redoslijed stanica i stajališta i njihovu udaljenost od mjesta gdje počinje linija,*
- e) vrijeme polaska,*
- f) vrijeme polaska i dolaska na svaku autobusku stanicu, odnosno, stajališta,*
- g) najmanje jedan polazak i povratak*
- h) vremenski period održavanja linije,*
- i) učestalost održavanja linije i*
- j) rok važenja reda vožnje*

Član 11.

(Linije javnog prevoza putnika)

Na području općine Lukavac odvijaju se slijedeće linije javnog prevoza putnika:

- a) Lukavac – Prokosovići – Babice – Orahovica*
- b) Lukavac – Modrac – Tabaci*
- c) Lukavac – Devetak*
- d) Lukavac – Puračić – Turija – Karići*
- e) Lukavac – Poljice*
- f) Lukavac – Gnojnica - Berkovica*
- g) Lukavac – Krtova I.*
- h) Lukavac – Šikulje*
- i) Lukavac – Panjik*
- j) Lukavac – Bokavići*
- k) Lukavac – Jaruške*
- l) Lukavac – Turija*
- m) Lukavac – Huskići*
- n) Lukavac – Turija – Rosulje*
- o) Lukavac – Dobošnica Polje – Kruševica i*
- p) Lukavac – Dobošnica Gornja.*

ODJELJAK B. JAVNI VANLINIJSKI PREVOZ PUTNIKA

Član 12.

(Javni prevoz putnika u vanlinijskom prevozu)

Javni prevoz putnika u vanlinijskom prevozu se odvija tako što se relacija, cijena prevoza, visina naknade za pružene usluge za potrebe putnika, koji se prevoze i drugo utvrđuju pisanim ugovorom između prevoznika i naručioca prevoza.

Član 13.

(Vrste javnog vanlinijskog prevoza putnika)

(1) Javni vanlinijski prevoz putnika može se vršiti kao :

- a) kružna vožnja unaprijed organizovane grupe putnika koja počinje i završava na istom mjestu, bez usputnog ulaska i izlaska putnika,*
- b) naizmjenična vožnja organizovana radi prevoza u više putovanja od istog polazišta do istog odredišta unaprijed organizovanih grupa putnika, s tim što se grupa koja je obavila putovanje u odlasku vraća u istom sastavu i to tako da se prva vožnja u povratku i posljednja u odlasku u nizu naizmjeničnih vožnji vrši praznim vozilom prevoz unaprijed organizovane grupe putnika u odlasku i putovanje praznog vozila u povratku i obratno i*
- c) taksi prevoz.*

(2) Ugovoreni prevoz je javni vanlinijski prevoz za određenu tačno utvrđenu kategoriju putnika, ako se takav prevoz vrši u cilju odlaska na posao ili školu i obratno, na određenoj relaciji bez prijema drugih putnika.

(3) Na vozilu kojim se vrši javni vanlinijski prevoz putnika mora biti istaknuta tabla.

Član 14.

(Taksi prevoz)

(1) Taksi prevoz putnika se vrši putničkim vozilom sa pet sjedišta, koje ima četvora vrata, a oblik karoserije je limuzina.

(2) Cijena taksi prevoza za pređeni put je unaprijed određena i utvrđuje se taksimetrom po cjenovniku usluga javnog prevoza putnika, koji ovjerava nadležno kantonalno ministarstvo za poslove cestovnog prometa.

III. AUTOBUSKA STANICA I STAJALIŠTA

Član 15.

(Pružanje usluga)

Djelatnost pružanja usluga autobuskih stanica u javnom prevozu putnika vrše pravna lica koja su registrovana za ovu djelatnost i koja ispunjavaju uslove propisane zakonom i drugim propisima koji regulišu ovu oblast.

Član 16.

(Oznaka autobuske stanice)

Autobuska stanica mora biti označena natpisom na kojem stoji autobuska stanica sa natpisom mjesta u kojem se ista nalazi.

Član 17.

(Autobuska stanica i autobusko stajalište)

(1) Autobuska stanica je određeni prostor za prihvatanje i otpremu autobusa, izlazak ili ulazak putnika, utovar ili istovar prtljage, rezervacija i prodaja karata za javni prevoz

putnika, čuvanje prtljage, informiranje putnika i prevoznika i ostali poslovi u vezi sa javnim prevozom putnika.

(2) Autobusko stajalište je određen i označen prostor za zaustavljanje autobusa radi sigurnog ulaska i izlaska putnika.

Član 18.

(Ulaz i izlaz putnika)

Ulaz i izlaz putnika se isključivo vrši na autobuskim stanicama i autobuskim stajalištima.

Član 19.

(Pružanje usluga autobuske stanice)

Autobuska stanica pruža usluge svim prevoznicima, koji u svom redu vožnje imaju istu registrovanu, o čemu sačinjavaju Ugovor.

Član 20.

(Vođenje evidencije)

(1) Autobuska stanica dužna je voditi evidenciju svih dolazaka i odlazaka autobusa.

(2) Autobuska stanica je dužna da nadležnom općinskom organu koji je registrovao red vožnje dostavlja Informaciju o tome da li se isti poštuje od strane prevoznika.

**IV. DUŽNOSTI I OBAVEZE PREVOZNIKA U JAVNOM PREVOZU
PUTNIKA**

Član 21.

(Dužnosti prevoznika)

Prevoznik je dužan osigurati trajno i kvalitetno obavljanje javnog prevoza putnika, te preduzimati mjere i aktivnosti radi povećanja kvalitete usluga i sigurnosti u javnom prevozu putnika.

Član 22.

(Vršenje javnog linijskog prevoza putnika)

Prevoznik je dužan da javni linijski prevoz putnika vrši u skladu sa utvrđenim redom vožnje.

Član 23.

(Putni nalog)

U vozilu kojim se vrši javni prevoz putnika mora se nalaziti :

- a) putni nalog popunjen i ovjeren na način propisan posebnim pravilnikom,
- b) registrovani red vožnje i
- c) cjenovnik, potpisan i ovjeren od strane prevoznika.

Član 24.

(Uslovi za vozača vozila)

Vozilom kojim se vrši javni prevoz putnika može upravljati lice koja ispunjava uslove utvrđene propisima o sigurnosti prometa na cestama – najmanje III stepen stručne spreme, zanimanje vozač i da ima manje od 65 godina života.

Član 25.

(Preuzimanje putnika)

Prevoznik, odnosno, član posade vozila u javnom linijskom prevozu dužan je u skladu sa raspoloživim kapacitetima vozila preuzeti na prevoz svakog putnika.

Član 26.

(Ustupanje prevoza)

Prevoznik ne može povjeriti, odnosno, ustupiti drugom prevozniku vršenje javnog prevoza putnika u linijskom prevozu za koju ima registrovan red vožnje.

Član 27.

(Prodaja karata)

Ukoliko je na autobuskoj stanici organizovana prodaja karata, prevozniku nije dozvoljena prodaja karata u autobusu.

Član 28.

(Prtljag)

(1) Za prtljag koji se smješta u prostor odvojen od prostora za putnike koji se prevoze, član posade vozila dužan je putniku koji se prevozi za prtljag izdati posebnu kartu, jedan dio karte pričvrstiti za prtljag, a drugi dio na poleđinu karte za prevoz.

(2) U slučaju nestanka prtljaga iz prostora predviđenog za prtljag odgovornost i obavezu za naknadu štete snosi prevoznik.

Član 29.

(Polazna stanica)

(1) Prevoznik je dužan na polaznu stanicu postaviti autobus, koji saobraća na određenoj liniji 15 minuta prije polaska i to na peron, koji mu određen organizacijom rada autobuske stanice.

(2) Na početnim polaznim stanicama vozač je dužan otvoriti vrata za ulaz putnika i to najkasnije pet minuta prije polaska vozila po redu vožnje.

Član 30.

(Privremeni prekid prevoza)

(1) U slučaju zastoja i kraćih poremećaja u prometu, prevoznik je dužan u što kraćem roku osigurati javni prevoz putnika vlastitim vozilima ili vozilima drugih prevoznika.

(2) Ako prevoznik iz opravdanih razloga ne može obavljati javni linijski prijevoz putnika, dužan je općini podnijeti zahtjev za odobrenje privremenog prekida prevoza.

(3) Privremeni prekid javnog prevoza putnika može trajati dok traju opravdani razlozi, ali najduže 30 dana.

(4) U slučaju privremenog prekida općina donosi Odluku o privremenom obavljanju javnog linijskog prevoza sa drugim prevoznikom.

(5) Prevoznik je dužan snositi troškove organiziranja privremenog obavljanja javnog linijskog prevoza putnika.

(6) Prevoznik je dužan izmjenu prevoznog pravca, te privremeni prekid javnog prevoza putnika na odobrenoj liniji objaviti putem štampe ili drugog sredstva javnog saopćavanja.

Član 31.

(Oznake na i u vozilu)

(1) Na vozilu mora uočljivo biti istaknut skraćeni naziv prevoznika.

(2) Vrata za ulaz i izlaz moraju biti jasno i vidljivo označena natpisima i grafičkim simbolima s vanjske i unutarnje strane vozila.

(3) Prevoznik je dužan u vozilu označiti mjesto za trudnice i invalidne osobe.

(4) Vozilo kojim se vrši javni prevoz putnika mora da na prednjoj strani imati tablu sa ispisanim podacima o polaznoj, završnoj i najmanje jednoj usputnoj stanici.

(5) Kada se vozilom ne obavlja javni prevoz putnika, u donjem desnom dijelu vjetrobranskog stakla mora se postaviti odgovarajuća oznaka (garaža, slobodan prevoz)

(6) Odgovarajuća oznaka mora na isti način biti postavljena i kada vozilo obavlja javni prevoz putnika na izvanrednim linijama, mijenja smjer, skraćuje put ili se upućuje u garažu.

Član 32.

(Stajališta)

(1) Vozila su se dužna zaustavljati na svim stajalištima svoje linije.

(2) Na stajalištu mora biti istaknut red vožnje.

(3) Lokaciju stajališta određuju prometne potrebe, tehnički elementi ceste i sigurnost saobraćaja, uz uslove utvrđene posebnim propisima.

(4) Stajališta održava nadležna opštinska služba u skladu sa Zakonom o bezbjednosti saobraćaja na putevima i Zakonom o komunalnim djelatnostima.

Član 33.

(Trasa linije)

(1) U slučaju nepredviđenih događaja na trasi linija (saobraćajne nezgode, elementarne nepogode i slično), vozač smije mijenjati trasu, smjer kretanja ili skraćivati liniju.

(2) Promjenu trase linije moguće je izvršiti samo na osnovu odobrenja općinske službe nadležne za komunalne poslove.

Član 34.

(Nedozvoljen prevoz)

Vozilom javnog prevoza putnika nije dozvoljen prevoz životinja, izuzev kućnih ljubimaca u odgovarajućim spremnicima.

Član 35.

(Predmeti)

S predmetima nađenim u vozilu, prevoznik je dužan postupati sukladno odredbama propisa o nađenim stvarima.

Član 36.

(Član posade)

(1) Član posade vozila mora za vrijeme obavljanja posla (službe) nositi službenu odjeću.

(2) Izgled i boju službene odjeće određuje prevoznik.

(3) Izuzetno od odredbe stava 1. ovog člana, službenu odjeću ne mora nositi linijski kontrolor po odluci prevoznika.

(4) Član posade vozila je dužan za vrijeme obavljanja službe imati korektan odnos s putnicima.

V. PRAVA I OBAVEZE PUTNIKA U JAVNOM PREVOZU PUTNIKA

Član 37.

(Prava i obaveze putnika)

(1) Prilikom ulaska u vozilo putnik je obavezan vozaču, linijskom kontroloru ili drugoj ovlaštenoj osobi pokazati putnu kartu ili ispravu o pravu na javni prevoz, odnosno, obavezan je platiti uslugu javnog prevoza ili važeću putnu kartu odmah poništiti.

(2) Putnik koji se u vozilu zatekne bez putne karte, s neispravnom putnom kartom ili ispravom na osnovi koje ostvaruje pravo na javni prevoz, dužan je ovlaštenoj osobi platiti odgovarajuću putnu i dodatnu kartu na licu mjesta ili dati vjerodostojne podatke o svom identitetu.

(3) Način ulaska putnika u vozilo i izlaska iz vozila propisuje prevoznik, ovisno o načinu naplate prevoznih usluga.

(4) Putnik u vozilu smije zauzeti jedno sjedeće mjesto, te se na vrijeme pripremiti za izlazak iz vozila.

(5) Prilikom ulaska u vozilo i zauzimanja mjesta za sjedenje prednost imaju invalidne osobe, trudnice, osobe s malom djecom, te starije i nemoćne osobe.

Član 38.

(Lice koje se ne smiju prevoziti)

(1) Vozilom javnog prevoza ne smije se prevoziti lice koje bi svojim ponašanjem, prtljagom ili stvarima koje unosi u vozilo, moglo ugroziti sigurnost putnika, lice mlađe od šest godina bez pratnje odraslog lica, lice pod očiglednim utjecajem alkohola ili opojnih sredstava i lice koja ne može ili ne želi platiti uslugu prevoza.

(2) Putniku nije dozvoljeno onemogućavati otvaranje i zatvaranje vrata, kao i nasilno otvaranje vrata.

Član 39.

(Prtljag)

(1) Putnik smije u vozilo unijeti ručnu prtljagu, dječja kolica, invalidska kolica, sportsku opremu i drugu prtljagu, koja svojim dimenzijama i svojstvima ne ugrožava sigurnost putnika i članova posade vozila i da ne zatvara prolaz između sjedišta.

(2) Putnik je dužan voditi brigu o svojoj prtljazi.

(3) Prtljagu iz stava 1. ovog člana, potrebno je smjestiti u prostoru vozila gdje najmanje smeta ostalim putnicima, kako bi se smanjila mogućnost ugrožavanja sigurnosti ostalih putnika i članova posade vozila.

(4) Putniku nije dozvoljeno unositi u vozilo predmete koji mogu povrijediti, oštetiti ili uprljati vozilo (zapaljivi ili eksplozivni material, oštre, lomljive, prljave ili masne predmete i slično), kao ni sve druge predmete veće težine i dimenzija od onih koje odredi prevoznik

Član 40.

(Nedozvoljeno ponašanje putnika)

(1) Putniku nije dozvoljeno:

a) koristi uslugu javnog prevoza bez putne karte ili s neispravnom putnom kartom

b) ometati članove posade vozila,

c) uznemiravanje drugih putnika i članova posade u obavljaju svoje službe,

d) bacati otpatke, prljati i oštećivati vozilo i njegove oznake,

e) pušiti i piti u vozilu,

f) zadržavati se u vozilu na način kojim se ometa naplata putne karte, ulaz, odnosno, izlaz iz vozila, onemogućava ili otežava smještaj putnika u vozilo,

g) ulaziti na vrata predviđena za izlazak i izlaziti na vrata predviđena za ulazak putnika,

h) ulaziti ili izlaziti iz vozila u pokretu, hvatati se ili voziti s vanjske strane vozila,

i) ulaziti u vozilo kada odgovorna osoba objavi da je vozilo popunjeno i da ne može više putnika primiti i

j) ulaziti u vozilo neodjeven ili u odjeći koja je nečista u mjeri da može uprljati putnike ili vozilo.

(2) Član posade vozila dužan je opomenuti putnika koji postupa protivno odredbama iz stava 1. ovog član, a ukoliko i unatoč opomeni izvrši koju od navedenih radnji, pozvati će putnika da napusti vozilo.

Član 41.

(Prevoz nemoćnog i slijepog lica)

(1) Nemoćnom licu dozvoljen je prevoz vozilom javnog prevoza samo uz pratnju.

(2) Slijepom licu dozvoljeno je uvođenje u vozilo specijalno dresiranog psa vodiča s brnjicom.

VI. FINANSIRANJE JAVNOG PREVOZA PUTNIKA

Član 42.

(Izvori finansiranja)

Izvori sredstava za finansiranje obavljanja javnog linijskog prevoza putnika su :

- a) cijena karte za prevoz i
- b) drugi izvori po posebnim propisima.

VII. NADZOR

Član 43.

(Nadzor)

(1) Nadzor nad primjenom ove Odluke provodi općinska služba za komunalne poslove, općinska služba za inspekcijske poslove i općinska služba za urbanizam, prostorno planiranje i investicije, svaka iz okvira svoje nadležnosti, koje su dužne o obavljanju nadzoru blagovremeno izvještavati Općinsko vijeće.

(2) U obavljanju nadzora tijelo iz stava 1. ovoga člana ovlašteno je :

- a) pregledati vozila, uređaje i opremu, poslovne knjige, ugovore i druge i isprave u vezi s obavljanjem javnog prevoza putnika i
- b) naložiti radnje i poduzeti mjere radi otklanjanja nedostataka uočenih pri obavljanju nadzora i pokrenuti prekršajni postupak.

VIII. KAZNENE ODREDBE

Član 44.

(Kaznene odredbe za prekršaj učinjen od strane pravnog lica koje vrši javni prevoz putnika)

(1) Novčanom kaznom u iznosu od 500,00 do 5.000,00 KM kaznit će se pravno lice koje vrši javni prevoz putnika ako :

- a) javni prevoz putnika vrši suprotno članu 6. ove Odluke,
- b) postupa suprotno članu 8. ove Odluke,
- c) sa autobuskom stanicom čije usluge koristi nije potpisao ugovor, shodno članu 19. ove Odluke,
- d) javni linijski prevoz putnika ne vrši u skladu sa utvrđenim redom vožnje, član 22. ove Odluke,
- e) ne postupa u skladu sa članom 23. ove Odluke,
- f) ne preuzima putnike u linijskom prevozu shodno članu 25. ove Odluke,
- g) postupi suprotno članu 26. ove Odluke,
- h) postupi suprotno članu 27. i članu 28. ove Odluke,
- i) se ne pridržava odredbama iz člana 29. i člana 30. ove Odluke,
- j) se ne pridržava odredbi iz člana 31., člana 32. i člana 33. stav 2 ove Odluke,
- k) ne postupa u skladu sa članom 35. ove Odluke i
- l) ne ispunjava odredbe člana 36. ove Odluke.

(2) Novčanom kaznom u iznosu od 100,00 do 500,00 KM za prekršaj iz stava 1. ovog člana kaznit će se odgovorno lice u pravnom licu.

Član 45.

(Kaznene odredbe za učinjen prekršaj od strane fizičkog lica koje vrši javni prevoz putnika)

Novčanom kaznom od 300,00 do 1.500,00 KM kaznit će se fizičko lice koje vrši javni prevoz putnika ako :

- a) javni prevoz putnika vrši suprotno članu 6. ove Odluke,
- b) postupa suprotno članu 8. ove Odluke,
- c) sa autobuskom stanicom čije usluge koristi nije potpisao ugovor, shodno članu 19. ove Odluke,
- d) javni linijski prevoz putnika ne vrši u skladu sa utvrđenim redom vožnje, član 22. ove Odluke,
- e) ne postupa u skladu sa članom 23. ove Odluke,
- f) ne preuzima putnike u linijskom prevozu shodno članu 25. ove Odluke,
- g) postupi suprotno članu 26. ove Odluke,
- h) postupi suprotno članu 27. i članu 28. ove Odluke,
- i) se ne pridržava odredaba iz člana 29. i člana 30. ove Odluke,
- j) se ne pridržava odredbi iz člana 31., člana 32. i člana 33. stav 2 ove Odluke,
- k) ne postupi u skladu sa članom 35. ove Odluke i
- l) ne ispunjava odredbe člana 36. ove Odluke.

IX. ZAVRŠNE ODREDBE

Član 46.

(Stupanje na snagu Odluke)

Ova Odluka stupa na snagu danom objavljivanja u Službenom glasniku općine Lukavac.

PREDSJEDAVAJUĆI
OPĆINSKOG VIJEĆA

Suljo Suljević, prof. soc.s.r.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko Vijeće

Broj:01-02-1-245/10
Lukavac,28.02.2011.godine

Na osnovu člana 10. stav 1 Zakona o finansiranju političkih partija ("Sl.glasnik BiH, broj 22/00, 102/09 i 54/10), člana 32. Statuta općine Lukavac –prečišćeni tekst („Službeni glasnik općine Lukavac“, broj:5/08) Općinsko vijeće Lukavac na 30. redovnoj sjednici održanoj dana 28.02.2011.godine, donijelo je

ODLUKU
o finansiranju parlamentarnih grupa

Član 1.

Ovom Odlukom reguliše se finansiranje parlamentarnih grupa političkih partija koje participiraju u Općinskom vijeću Lukavac.

Član 2.

Sredstva utvrđena budžetom Općine Lukavac za 2011.godinu u iznosu od 50.000,00 KM raspoređuju se parlamentarnim grupama zastupljenim u Općinskom vijeću Lukavac na način da se:

- 30% sredstava raspoređuje jednako svim parlamentarnim grupama kako slijedi :

| | |
|--|-------------|
| 1. Klub vijećnika Stranke demokratske akcije | 3.000,00 KM |
| 2. Klub vijećnika Socijaldemokratske partije..... | 3.000,00 KM |
| 3.Klub vijećnika Koalicije SDU-LDS i BPS Sefer Halilović | 3.000,00 KM |
| 4. Klub vijećnika Stranke za BiH..... | 3.000,00 KM |
| 5. Klub vijećnika manjinskih naroda..... | 3.000,00 KM |

Ukupno:.....15.000,00 KM

- 60% od ukupnog iznosa raspoređuje se parlamentarnim grupama, srazmjerno broju vijećničkih mjesta koje svaka partija ima u trenutku raspodjele kako slijedi:

| | |
|--|--------------|
| 1.Klub vijećnika Stranke demokratske akcije | 15.200,00 KM |
| 2.Klub vijećnika Socijal demokratske partije..... | 7.200,00 KM |
| 3.Klub vijećnika Koalicije SDU-LDS i BPS Sefer Halilović | 2.200,00 KM |
| 4.Klub vijećnika Stranke za BiH..... | 4.200,00 KM |
| 5.Klub vijećnika manjinskih naroda..... | 2.200,00 KM |

Ukupno:..... 30.000,00 KM

- 10% od ukupnog iznosa raspoređuje se Parlamentarnim grupama srazmjerno broju vijećničkih mjesta koji pripadaju manje zastupljenom spolu kako slijedi:

| | |
|---|-------------|
| 1.Klub vijećnika Stranke demokratske akcije | 3.333,34 KM |
| 2.Klub vijećnika Socijal demokratske partije..... | 1.666,66 KM |

Ukupno.....5.000,00 KM

Član 3.

Za realizaciju ove Odluke zadužuje se Služba za budžet i finansije.

Član 4.

Ova Odluka stupa na snagu narednog dana od dana objavljivanja u "Službenom glasniku općine Lukavac", a primjenjivat će se od 01.01.2011.godine.

*PREDSJEDAVAJUĆI
OPĆINSKOG VIJEĆA*

Suljo Suljević prof. soc. s.r.



*Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće*

*Broj: 01-02-304-11/11
Lukavac, 28.02.2011. godine*

Općinsko vijeće Lukavac, na 30. redovnoj sjednici održanoj dana 28.02.2011. godine, je razmatralo prijedlog situacije mikrolokacije na kojoj se planira gradnja benzinske stanice, autosalona, servisa i prodavnice autodijelova i nove saobraćajnice broj: 02-23-2-29/11 i broj: 02-23-2-34/11 od 14.01.2011. godine, te je u skladu sa članom 105. Statuta općine Lukavac - prečišćeni tekst („Sl. glasnik općine Lukavac“ broj 5/08,) i člana 88. i 95. Poslovnika o radu Općinskog vijeća Lukavac („Službeni glasnik općine Lukavac“ br. 5/06, 2/09 i 5/09) usvojilo slijedeći

ZAKLJUČAK

Daje se saglasnost na prijedlog situacije mikrolokacije na kojoj se planira gradnja benzinske stanice, autosalona, servisa i prodavnice autodijelova i nove saobraćajnice broj: 02-23-2-29/11 i broj: 02-23-2-34/11 od 14.01.2011. godine.

*PREDSJEDAVAJUĆI
OPĆINSKOG VIJEĆA*

Suljo Suljević prof. soc s.r.



*Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće*

*Broj: 01-02-304-12/11
Lukavac, 28.02.2011. godine*

Općinsko vijeće Lukavac, na 30. redovnoj sjednici održanoj dana 28.02.2011. godine, je razmatralo prijedlog situacije mikrolokacije na kojoj je izgrađen objekat „Tenis hale“, sa planiranom promjenom namjene u „Proizvodnu halu“ i dogradnjom hale broj:05-23-2-2270/10 od 24.01.2011.godine, te je u skladu sa članom 105. Statuta općine Lukavac - prečišćeni tekst („Sl. glasnik općine Lukavac“ broj 5/08,), i člana 88. i 95. Poslovnika o radu Općinskog vijeća Lukavac („Službeni glasnik općine Lukavac“ br. 5/06, 2/09 i 5/09) usvojilo slijedeći

ZAKLJUČAK

Daje se saglasnost na prijedlog situacije mikrolokacije na kojoj je izgrađen objekat „Tenis hale“, sa planiranom promjenom namjene u „Proizvodnu halu“ i dogradnjom hale broj:05-23-2-2270/10 od 24.01.2011.godine.

*PREDSJEDAVAJUĆI
OPĆINSKOG VIJEĆA*

Suljo Suljević prof. soc s.r.



Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće

Broj: 01-02-304-13/11
Lukavac, 28.02.2011. godine

Općinsko vijeće Lukavac, na 30. redovnoj sjednici održanoj dana 28.02.2011. godine, je razmatralo prijedlog situacije mikrolokacije na kojoj je izgrađen stari objekat „Obdaništa“, sa planiranom izgradnjom novog objekta „Obdaništa“ broj: 05-23-2-31/11 od 31.01.2011. godine, te je u skladu sa članom 105. Statuta općine Lukavac - prečišćeni tekst („Sl. glasnik općine Lukavac“ broj 5/08,), i člana 88. i 95. Poslovnika o radu Općinskog vijeća Lukavac („Službeni glasnik općine Lukavac“ br. 5/06, 2/09 i 5/09) usvojilo slijedeći

ZAKLJUČAK

Daje se saglasnost na prijedlog situacije mikrolokacije na kojoj je izgrađen stari objekat „Obdaništa“, sa planiranom izgradnjom novog objekta „Obdaništa“ broj: 05-23-2-31/11 od 31.01.2011. godine.

PREDSJEDAVAJUĆI
OPĆINSKOG VIJEĆA

Suljo Suljević prof. soc s.r.



*Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće*

*Broj: 01-02-304-14/11
Lukavac, 28.02.2011. godine*

Općinsko vijeće Lukavac, na 30. redovnoj sjednici održanoj dana 28.02.2011. godine, je razmatralo prijedlog situacije mikrolokacije na kojoj se planira gradnja „Kombinovanog skladišnog terminala: ukapljeni naftni plin-tekući naftni derivati“ broj:05-23-2-2182/10 od 07.02.2011.godine, te je u skladu sa članom 105. Statuta općine Lukavac - prečišćeni tekst („Sl. glasnik općine Lukavac“ broj 5/08,), i člana 88. i 95. Poslovnika o radu Općinskog vijeća Lukavac (»Službeni glasnik općine Lukavac «br. 5/06, 2/09 i 5/09) usvojilo slijedeći

ZAKLJUČAK

Daje se saglasnost na prijedlog situacije mikrolokacije na kojoj se planira gradnja „Kombinovanog skladišnog terminala: ukapljeni naftni plin-tekući naftni derivati“ broj:05-23-2-2182/10 od 07.02.2011.godine.

*PREDSJEDAVAJUĆI
OPĆINSKOG VIJEĆA*

Suljo Suljević prof. soc s.r.



*Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće*

*Broj: 01-02-304-15/11
Lukavac, 28.02.2011. godine*

Općinsko vijeće Lukavac, na 30. redovnoj sjednici održanoj dana 28.02.2011. godine, je razmatralo prijedlog situacije mikrolokacije na kojoj se planira rušenje postojećeg objekta benzinske stanice „Energopetrol“ d.d. Sarajevo „Lukavac II“ i gradnja novog zamjenskog objekta benzinske stanice „Lukavac II“ sa pratećim sadržajima broj: 05-23-2-31/11 od 07.02.2011. godine, te je u skladu sa članom 105. Statuta općine Lukavac - prečišćeni tekst („Sl. glasnik općine Lukavac“ broj 5/08.), i člana 88. i 95. Poslovnika o radu Općinskog vijeća Lukavac (»Službeni glasnik općine Lukavac“ br. 5/06, 2/09 i 5/09) usvojilo slijedeći

ZAKLJUČAK

Daje se saglasnost na prijedlog situacije mikrolokacije na kojoj se planira rušenje postojećeg objekta benzinske stanice „Energopetrol“ d.d. Sarajevo „Lukavac II“ i gradnja novog zamjenskog objekta benzinske stanice „Lukavac II“ sa pratećim sadržajima broj: 05-23-2-31/11 od 07.02.2011. godine.

**PREDSJEDAVAJUĆI
OPĆINSKOG VIJEĆA**

Suljo Suljević prof. soc s.r.



Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće

Broj: 01-31-3-729/10

Lukavac, 28.02.2011.godine.

Na osnovu člana 45. stav 2. i 3. Zakona o građevinskom zemljištu („Službene novine F BiH“, broj: 25/03 i 67/05), člana 200. Zakona o upravnom postupku Federacije Bosne i Hercegovine („Službene novine F BiH “ br.2/98 i 48/99) i člana 32. Statuta općine Lukavac - prečišćeni tekst ("Službeni glasnik općine Lukavac" broj 5/08), Općinsko vijeće Lukavac na 30. redovnoj sjednici održanoj dana 28.02.2011.godine, donijelo je

R J E Š E N J E

Odbija se zahtjev Jozić (Tunjo) Ivana iz Bistarca Gornjeg, za dodjelu neposrednom pogodbom neizgrađenog gradskog građevinskog zemljišta označenog kao k.č.br. 1522/1 zvana „Veresike“ Dvorište u površini od 3.281 m² i Škola u površini od 447 m², upisana u pl.br. 168 k.o. Bistarac u posjedu Osnovna škola „Vjekoslav Tunjić“ sa 1/1 (po novom premjeru), a što po starom premjeru odgovara nekretnini označenoj kao k.č.br. 309/1 k.o. Bistarac, kao neosnovan.

O b r a z l o ž e n j e

Jozić (Tunjo) Ivana iz Bistarca Gornjeg, obratio se Općinskom vijeću Lukavac, putem ovog organa, sa zahtjevom za dodjelu neposrednom pogodbom neizgrađenog gradskog građevinsko zemljišta označenog kao k.č.br. 1522/1 zvana „Veresike“ Dvorište u površini od 3.281 m² i Škola u površini od 447 m², upisana u pl.br. 168 k.o. Bistarac u posjedu Osnovna škola „Vjekoslav Tunjić“ sa 1/1 (po novom premjeru), a što po starom premjeru odgovara nekretnini označenoj kao k.č.br. 309/1 k.o. Bistarac.

Nakon razmatranja navedenog zahtjeva, izvršenog uvida u raspoloživu dokumentaciju i važeće zakonske propise, utvrđeno je sljedeće:

- da je članom 45. stav 2. i 3. Zakona o građevinskom zemljištu propisano:

„Neposrednom pogodbom gradsko građevinsko zemljište dodjeljuje se na korištenje za izgradnju: vojnih objekata i objekata za službene potrebe državnih organa (nije moguća dodjela u cilju stambene izgradnje); objekata za potrebe stranih diplomatskih i konzularnih predstavništava; objekata komunalne infrastrukture“.

„Fizičkom osobama se ne može dodjeljivati gradsko građevinsko zemljište neposrednom pogodbom. Izuzetno, fizičkom licu se može dodijeliti neposrednom pogodbom druga parcela u postupku naknade za ekspropisano i izuzeto zemljište u skladu sa ovim zakonom“.

Pošto je u konkretnom slučaju zahtjev za dodjelu neizgrađenog gradskog građevinskog zemljišta neposrednom pogodbom podnesen od strane fizičkog lica, primjenom člana 45. stav 2. i 3. Zakona o građevinskom zemljištu, odlučeno je kao u dispozitivu ovog rješenja.

Ovo rješenje nema karakter upravnog akta i protiv njega se ne može izjaviti žalba niti pokrenuti upravni spor.

PREDSJEDAVALA
OPĆINSKOG VIJEĆA

Suljo Suljević, prof. soc.s.r.



Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće

Broj:01-05-1706-2/08

Lukavac, 28.02.2011.godine

Na osnovu člana 35. Statuta općine Lukavac – prečišćeni tekst („Službeni glasnik općine Lukavac“ broj 5/08), člana 26. Poslovnika o radu Općinskog vijeća Lukavac („Službeni glasnik općine Lukavac“ br. 5/06), 2/09 i 5/09), Općinsko vijeće Lukavac na 30. sjednici održanoj dana 28.02.2011. godine, donijelo je

R J E Š E N J E

o razrješenju i imenovanju člana Komisije za pitanja mladih, obrazovanje, kulturu i sport

I

Razrješavaju se dužnosti člana Komisije za pitanja mladih, obrazovanje, kulturu i sport Jasmin Hodžić, Darmina Šabanović, Dženita Hrvić i Damir Imamović..

II

Za člana Komisije za pitanja mladih, obrazovanje, kulturu i sport imenuju se Irina Jašarević, Merima Hrvatović, Muamer Omerkić i Denis Talović.

III

Mandat imenovanih članova vezan je mandatom saziva Općinskog vijeća.

IV

Rješenje proizvodi pravno dejstvo danom donošenja i objaviti će se u “Službenom glasniku općine Lukavac”.

PREDSJEDAVALA
OPĆINSKOG VIJEĆA

Suljo Suljević prof.soc s.r.



Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće

Broj:01-02-198-3/10

Lukavac, 28.02.2011.godine

Na osnovu člana 12. Zakona o ministarskim, vladinim i drugim imenovanjima ("Službene novine F BiH", broj:12/03), člana 105. Statuta općine Lukavac – prečišćeni tekst („Službeni glasnik općine Lukavac“ broj 5/08), i člana 3. Odluke o utvrđivanju uslova i kriterija za imenovanja na pozicije u regulirane organe ("Službeni glasnik Općine Lukavac", broj:6/04), Općinsko vijeće Lukavac na 30. redovnoj sjednici održanoj dana 28.02.2011.godine, donijelo je

RJEŠENJE

o imenovanju predsjednika Upravnog odbora JU za odgoj
i obrazovanje djece predškolskog uzrasta

I

Za predsjednika Upravnog odbora JU za odgoj i obrazovanje djece predškolskog uzrasta iz reda članova imenuje se Hasija Imamović počev od 01.09.2010.godine.

II

Rješenje proizvodi pravno dejstvo danom donošenja, a objavit će se u "Službenom glasniku Općine Lukavac".

PREDSJEDAVAJUĆI
OPĆINSKOG VIJEĆA

Suljo Suljević prof.soc.s.r.



*Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće*

*Broj: 01-05-480-1/10
Lukavac, 28.02.2011.godine*

Na osnovu člana 35. Statuta općine Lukavac – prečišćeni tekst („Službeni glasnik općine Lukavac“ broj 5/08), člana 26. Poslovnika o radu Općinskog vijeća Lukavac („Službeni glasnik općine Lukavac“ br. 5/06, 2/09 i 5/09), Općinsko vijeće Lukavac na 30. sjednici održanoj dana 28.02.2011. godine, donijelo je

R J E Š E N J E

o razrješenju člana Komisije za davanje stručne ocjene o gradnji

I

Amra Gazibegović se razrješava dužnosti člana Komisije za davanje stručne ocjene o gradnji sa danom 31.01.2011.godine.

II

Rješenje proizvodi pravno dejstvo danom donošenja, a objaviti će se u “Službenom glasniku općine Lukavac”.

*PREDSJEDAVAJUĆI
OPĆINSKOG VIJEĆA*

Suljo Suljević prof.soc s.r.



Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće

Broj: 01-05-480-1/10

Lukavac, 28.02.2011.godine

Na osnovu člana 35. Statuta općine Lukavac – prečišćeni tekst („Službeni glasnik općine Lukavac“ broj 5/08), člana 26. Poslovnika o radu Općinskog vijeća Lukavac („Službeni glasnik općine Lukavac“ br. 5/06, 2/09 i 5/09), Općinsko vijeće Lukavac na 30. sjednici održanoj dana 28.02.2011. godine, donijelo je

R J E Š E N J E

o razrješenju člana Komisije za davanje stručne ocjene o gradnji

I

Amra Gazibegović se razrješava dužnosti člana Komisije za davanje stručne ocjene o gradnji sa danom 31.01.2011.godine.

II

Rješenje proizvodi pravno dejstvo danom donošenja, a objavit će se u „Službenom glasniku općine Lukavac“.

PREDSJEDAVAJUĆI
OPĆINSKOG VIJEĆA

Suljo Suljević prof.soc s.r.



*Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće*

*Broj: 01-02-304-16/11
Lukavac, 28.02.2011. godine*

Općinsko vijeće Lukavac, na 30. redovnoj sjednici održanoj dana 28.02.2011. godine, je razmatralo Zahtjev Porezne uprave, Kantonalni porezni ured Tuzla, Porezna ispostava Lukavac broj: 13-3/4-15-4-579/11 od 23.02.2011. godine, te je u skladu sa članom 105. Statuta općine Lukavac - prečišćeni tekst („Sl. glasnik općine Lukavac“ broj 5/08), i člana 88. i 95. Poslovnika o radu Općinskog vijeća Lukavac („Službeni glasnik općine Lukavac“ br. 5/06, 2/09 i 5/09) usvojilo slijedeći

ZAKLJUČAK

Općinsko vijeće ovlašćuje Komisiju za procjenu vrijednosti nepokretnosti i prava da do izmjene zakonskih propisa vrši procjenu vrijednosti nepokretnosti u postupku promjene namjene poljoprivrednog zemljišta.

*PREDSJEDAVAJUĆI
OPĆINSKOG VIJEĆA*

Suljo Suljević prof.soc s.r.



*Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće*

*Broj: 01-02-304-16/11
Lukavac, 28.02.2011. godine*

Općinsko vijeće Lukavac, na 30. redovnoj sjednici održanoj dana 28.02.2011. godine, je razmatralo Zahtjev Porezne uprave, Kantonalni porezni ured Tuzla, Porezna ispostava Lukavac broj: 13-3/4-15-4-579/11 od 23.02.2011. godine, te je u skladu sa članom 105. Statuta općine Lukavac - prečišćeni tekst („Sl. glasnik općine Lukavac“ broj 5/08), i člana 88. i 95. Poslovnika o radu Općinskog vijeća Lukavac („Službeni glasnik općine Lukavac“ br. 5/06, 2/09 i 5/09) usvojilo slijedeći

ZAKLJUČAK

Općinsko vijeće ovlašćuje Komisiju za procjenu vrijednosti nepokretnosti i prava da do izmjene zakonskih propisa vrši procjenu vrijednosti nepokretnosti u postupku promjene namjene poljoprivrednog zemljišta.

*PREDSJEDAVAJUĆI
OPĆINSKOG VIJEĆA*

Suljo Suljević prof.soc s.r.

**SLUŽBENI GLASNIK OPĆINE
L U K A V A C**

Broj:2/11

Izdaje :.....Općina Lukavac

Uređuje.....Stručna Služba Općinskog vijeća

Urednik.....sekretar Općinskog vijeća Izeta Bajrić

Tiraž75 primjeraka

Adresa.....Općina Lukavac - Općinsko vijeće

Telefon - fax:.....553-253

Službeni glasnik izdaje se po potrebi